

宋詩紀事補遺

宋詩紀事補遺卷之二十

歸安陸心源伯剛父輯

韓繹

億子附見宋史億傳

送周知監

蜀土風景信不好君之所治兼蠻夷山高地仄江水
惡刀耕火種黎民疲

輿地紀勝

韓宗道

綜子億孫附見宋史億傳

江瀆泛舟次吳中復韻

綠錦池塘藻荇芳
擎舟清泛水風涼
千珠翠颭圓荷雨
百和交銷寶篆香
暫駐旌麾開燕豆
只憑談笑樂杯觴
留連晚景殊多適
無奈黃昏送夕陽

成都文類

張道宗

國子博士知坊州軍州事治平時人

玉華山

玉華山形鬱嶢嶢
白晝莽蒼常生煙
近村百家濕翠黛
陰崖千尺淙寒泉
山根宛轉抱河曲
河流倒影浸碧巔
文皇性熱不奈暑
當時宮此安
徒然得非遍選
天下勝莫如茲地
無煩喧覲遊已駭
非俗骨久駐直

恐成真仙何當借得神畫筆霜綃十幅圖屏顏

玉華寺

殿閣依山古尋春閑客行誰知唐帝館今在梵王城
禾黍傷時變松篁入夜清惟餘碧巖溜依舊昔年聲
以上金石萃編

王洙 厲有

贈日本國僧

滄波泛瓶錫幾日到天朝鄉信日邊斷歸程海面遙
秋泉吟裡落霜葉定中飄爲愛華風好扶桑夢自消
鄰交徵書初篇

祥符中日本僧寂照來朝後求禮天台山先中
令守會稽寂照經由來謁寂照善書迹習二王
而不習華言但以筆札通意時長兄爲天台宰
中令以書導之兼贈詩云

王覺

四川郫縣人初名定國後改名覺登治平四年
第政和二年以直龍圖閣知桂州討溪洞蠻有
功進顯謨待制三年丐祠得提舉成都玉局觀
卒

謝劉本玉先生惠簞

南朝笛竹斲爲良織成文簟琉璃黃舊時正爾冷如
鐵此君無奈寒如霜山齋溽暑正六月野人清夢迷
三湘卷舒隨分且藏節作詩爲報劉中央

蘄州志

丁天錫

字孝先治平中如臯縣人諸子百家無不精熟
父先卒惟母在堂奉養至謹寇至欲殺其母天
錫以身衛母身願代殺寇亦自化卒祀鄉賢祠

澄心軒

高館含秋溪水平白雲一榻臨空清雲影天光入懷
抱玉樓銀闕無人行滔滔活水源頭落卻笑奔流爭

萬壑雪照梅檐坐月明露瀉荷盤見魚躍長安車馬
多富兒汗流浹背塵滿衣誰識君心有眞樂沙頭白
鳥猶忘機 五山耆舊集

丁諷

治平中知蔡州設法賑濟活者六十萬人移知
亳州蔡人攀慕號呼事聞復任及代去閉城斷
橋不得行者累日

夢野亭

我來自北幾千里景陵一到心怡然人湊訟簡公事
少屢遊星館時留連 輿地紀勝

曾黯

治平間知桐廬縣

合江亭

水合雙江急山逢百竅深

桐廬志

周延雋

屬有

題希夷堂贈周道正

鶴骨瘦來輕年侵髮尚青
仙期投玉制地界接金庭
食採芝苗秀書探蕊笈靈過從聊晤語浮跡悵如萍

遊日山

津頭催渡隔城陰祗苑探幽結客尋
椒稻一川春後

滿白雲千嶂晚來深疎鐘流響猶含谷餘燼清芬尙
襲襟多愧空疎無夢筆敢期雜擬惠休吟

天台續集

劉芑

字資中江西宜黃人以兄蒙澤補衡山主簿累
官知惠州官至朝散大夫清節如其兄死之日
家無十金之儲

曹山

翠擁山歸座珠翻水濺裾香消塵漠漠日靜竹疎疎
身老百罹後春殘一夢餘故林千嶂外孤抱幾時攄

撫州府志

寶積寺

寶積重來異昔年修廊千步闢山邊南分靈派渠行
玉北敞高臺花雨天日照青林猶帶潤雲收翠崦尙
藏烟麗眉老子升猊坐不惜家風示眾賢

宜黃縣志

滿執中 厲有

次逢原秋夜見寄

病對園林萬事空肯將寂寞感塗窮消磨壯憤詩書
外破碎閑愁笑傲中霜苦亂蟲清叫夜夢寒孤竹冷
敲風思君別有悲秋意不爲南湖一釣蓬

廣陵集

富臨

吳人嚴子有文名官至知池州

紫微山

鑿石誅茅四十年稜層寶構出諸天更逢地勝驚遊客不負身披壞衲田別郡坐看雲散後平湖下壓鳥飛前還知老令忘歸否爲惜難移近縣廛

咸清縣志

趙瞻

盤屋人第進士調孟州司戶應知萬泉夏縣英宗時以侍御史上疏出判汾州神宗時判開封言青苗不便出知同州累遷同知樞密院所著有春秋論史記牴牾論

子夏山

山因先師成令名人心仰止懸青冥文侯北面款山
扃石室至今猶南傾直松萬林天籟聲長材大棟資
連甍溪泉四出照骨清潤物功溥民罔爭朝兮新雲
澤根莖暮兮和風發勾萌山川氣稟天地英民何知
爲夫子靈魏最稱治由師經晉俗自是多諸生時尙
辭華取未精皓首學行徒修明非無神降弼王庭國
朝當議平文衡斯文未喪吾道亨商之傳授今可行
比干臺

九闔大壤一木支勢知不可誠不欺商之三仁異所

歸死諫不欲狂囚爲賢哉萬世忠臣師比干而已前
其誰諫不當顯何所持忠必愛君無拂辭帝舜載廢
歌康賸風雅比興陳盛衰君賢臣聖流書詩光華榮
輝同歲耄扶起不欲憂顛危剖心血頸鼎鑊糜此意
不獨在一時死者一傳星日垂猶有倭人乘其機順
正逢惡稱諷規甘言好語解人頤如鼯食角寢不啻
聰明蔽密蔀莫知微干之節口亦疑章華非不窮哉
巍姑蘇一同宗社移名與土滅掃無遺但爲世鑒那
足識茲臺巍巍存遺基尙覺清風洒肝脾妖狐狡兔
不依飛沙落日予心悲

魏文侯城

日自戰國爭雄來何城不荒爲壘培治亂興廢詎足
哀矧無名號寒於灰晉壤剖裂分家陪魏至文侯功
業恢三師經術王迹開五臣禦侮強敵摧況有成子
相君才吳起將兵亦偉哉內諮禮樂古典該外強師
旅騰風雷足尊天子朝靈臺烏用此城高崔嵬城之
峻矣維其頽宮之廣矣今蒿萊黍離興難悲遭回如
侯萬國徒塵埃一時火熾俄燼煨惟有陋俗知營財

鶴鳴古洞

山勢嵯峨接遠峰九臯鶴唳徹長空清音彷彿蒼松

外疎影依稀皓月中石洞雲封仙去後桑田世換水流同登臨厭聽黃鸝語弄巧綿蠻噪碧叢

文湖漁唱

湖光潏灩泛蓮荷款乃漁郎慣此過笛韻吹殘紅蓼岸櫓聲搖出錦鱗窩狂歌明月閒愁少放浪扁舟適興多蓴菜鱸魚供一醉掉頭歸去臥烟蓑

以上山西通志

李師道

治平中知明州

游潛山

肩輿轉闕隨俯仰不憂弱水澄方丈細霧縈盤上白

雲剛風肅肅天森爽夏木陰濃四月寒澗流觸石鳴
驚湍到身已喜在福地肯問元都何處壇

宋詩拾遺

宋敏求 厲有

送裴司門倅越

剡中新佐郡去路觸炎威民富杼機利地含山水暉
樵風送舟綰梅雨潤朝衣政在宜謠俗當期奏課歸

會稽嚴英集

向宗旦

字公美河內人治平中以宣奉郎太常博士知
口口縣元豐己未都官員外郎權廣東轉運副

使

被詔還闕過碧落洞觀元伯兄留題悵然久之
兼成拙詩以紀勝槩

洞府穹隆罩碧津雲扃岫幌謝囂塵泉聲激激撞羣
玉乳溜垂垂掛萬巾絕景多藏窮僻處勝遊少有放
閑人剝苔洗壁尋遺刻惆悵難兄筆尙新

廣東通志
金石錄

桐林驛

落日低垂一兩竿烟嵐殊未厭躋攀馬頭漸近銅林
驛誤認眞山作假山

樂平
縣志

任道

雒縣知縣

游連山湧泉觀次文與可韻

繚繞澄江面面山使君來與吏民間可堪歸騎臨晴
陌散盡遊人夕照間

漢州志

張綬

綬字組卿鄱陽人治平間屢舉不第隱居自得
與章公量爲友

昌國寺來景堂

青山曲轉抱寒溪重磴躋攀鳥道危石竈未烹鴻漸
茗雲亭先紀長卿詩千峯列坐生詩筆萬象當空落

酒卮更約清宵共來宿琵琶亭上月明時

江西詩徵

張徵 屬有

字伯常熙寧初知福州福建運使

伏承君儀使君郎中寵示佳什謹次嚴韻

飛鳥影穿紅燭去寒蟾光落素琴來三數寺通溪畔

路好從僧借渡時杯

福建通志古蹟

宿猿洞和程師孟韻

月上高臺雲半屏洞門休喚夕陽扁巍冠不整跣趺
坐秋楮爛斑數點星

宿猿洞

洞天虛寂翠屏欹心跡蕭然萬物齊無奈宿猿嫌宿客夜深猶擁亂雲啼

宿猿洞再和程師孟韻

入林休顧小猿驚
壽酒交持石外亭
刺史尊崇上卿月
主人高隱少微星
只因避雨投松蓋
屢爲障風夾檜屏
笑語林猿能解意
往來應不限巖扃

同上

韓鐸

熙寧初年知遂寧縣大理寺丞四年河東轉運副使尙書屯田郎中以前後反覆降一官五年江東轉運副使知潭州七年管勾三司開折使

遼國正旦使九年度支郎中知蘇州見蘇州志
及長編

送程給事知越州

青瑣身榮故國遙
除書催下紫宸朝
金簾舊學辭仙殿
玉帳新兵擁使橈
閣上雲山圍画壁
軍中鼓角戰江潮
珠璣滿篋羣賢什
瓦礫誰收亦謾飄

會稽掇英續集

盧侗

字元伯海陽人熙寧初任柳州

仙奕山

畏對青山老
一秋逢春又向碧巖遊
憑空爲問蓬萊

客何物能消萬古愁

柳州府志

錢世雄

熙寧初選人以受東坡譏訕文字罰銅元祐中

瀛州防禦推官權攝進奏院戶部檢法官

雙井茶次東坡韻

黃泥坂西春欲回雪堂萬木連雲栽

輿地紀勝

胡遂

樂平人熙寧元年進士宣和五年以中奉大夫

提刑兩浙七年除比部郎中

會稽志

提舉洞霄宮

建炎丞相成國呂忠穆公退老堂詩

多重功高服縉紳精神圖畫在麒麟去提黼展還天子歸與林園作主人三徑松筠供嘯傲一堂風月替鷺塵時平自有無窮事誰解如公早退身

戡定兵戈古所難盛名何啻重於山收身矢石征誅外放意林泉杳靄間曾是神龍猶解蟄豈惟飛鳥會知還上方當亡思元老正恐詢謀未許聞

天台別編

黃誥

字君謨湖南岳陽人熙寧元年進士初爲長沙簿居喪廬墓三年芝生墓前凡六十餘本哲宗賜帛五十匹後累知欽建二州移湖南提刑仕

至太府卿

道巖

道士元周其姓胡朝來遺我仙巖圖一堆盤石東西
向鑿破混沌中心虛欲知地面深且廣架屋百榼端
有餘天地高下相灌溉四柱卓立擎香爐席帽近南
猶仰視雲蓋一峰蟠北隅前後兩巖相表裏直過可
以肩籃輿吳許遺留試劒石葛丈棄置燒丹爐當時
俗眼故不識一旦脫屣朝清都至今丹井泉源湧下
接三江連五湖春來桃李開錦繡宛在武陵溪上居
人間酷熱不能到清風白水搖芙蕖霜飛雪落萬木

死玉葉青青長不枯三清殿前拜章夜香遶眞儀七
十軀月光射入隙空內皓皓寒冰在玉壺老龍隱睡
忽驚覺一霎萬頃霑膏腴物無疵癘年穀熟有感則
通如合符本朝圖經自該括厥後荒廢成邱墟元周
抵掌謂必葺十四年來復古初崇寧天子降明詔廢
者始興傳聖謨郡邑何時能剡奏華封之祝相歡呼
賀吳樵兄弟登第

連雲山下鳳皇兒何幸今朝見白眉父子傳經無異
說弟兄題塢又同時北堂偕老椿千歲南國聯榮桂
兩枝青史他年書茂實一門忠孝是鉉基

沅湘耆舊傳

雙劍峯

瀉成神劍倚雙峰
天地爲爐造化工
萬丈虹霓連碧落
一聲霹靂走豐隆
拂開嵐障千山秀
削盡妖魔六宇空
應笑鏤鄒爲小器
延平劍上合雌雄

平江縣志

李紱

字子儀熙寧三年秘閣校理知蘇州五年刑部
郎中同判太常寺元豐中尙書司封員外郎判
三司鹽鐵勾院累官少卿蘇魏公集有冬日至
瓦橋與李紱少卿會飲和李少卿寄吳仲庶又
和吳仲庶寄子儀諸詩

送程給事知越州

仗節腰符慣遠遊再朝金陛付牙籌君王歎識奇才
晚御史章言舊治優三峽路長收使旆九江波迴改
行舟不須重賦西山好歸侍宸遊十二樓

會稽掇英續集

傅權

權字次道南城人熙寧三年進士官建寧軍觀察推官曾子固嘗推其詩文爲一時特出學者稱東巖先生

夜宿東巖寺

夜宿給孤園悠然魂欲仙恐驚沙上月莫吸石間泉

露落螢初度風回鶴欲眠更瞻峰嶺氣非霧復非烟

再遊廣福院

古寺荒涼近水涯鐘聲朝暮落漁家昔年蹤跡曾經
此依舊殘陽伴晚霞

江西詩徵

王獻臣

字賓虞惠安人熙寧三年特奏名官秘書郎有
詩號臥龍翁集陳執中嘗過其家有王公杜陵
老草堂枕碧溪之句郡守葉廷珪序其詩謂其
問佳句置唐人集中無辨也

寂光寺

霸業何勞問廢興前人樓閣後人登海山有籍歸眞主雲物無情屬野僧飲鹿澄潭環細浪啼猿拱木網寒藤紛華不見舊時事惟有禪龕空報燈

廣東通志

麻姑壇

我佩綠綺琴獨上麻姑壇七絃試拂拭一天星斗寒
仙予爲我來降語五雲端世人知音少君今休要彈

澄虛閣

此地留仙竈仙人去何早一粒藥初成空山絕靈艸
竈傍五色土令人百病好況復餌丹人朱顏幾時老

羅浮志

泗州山

大石小石皆羅列造化安排非力設覆者如軒深者
洞方者如屏平者席可以安尊罍可以橫琴瑟天邊
鳥兔眼前飛海上波瀾掌中白

泉州府志

張修

毘陵人熙寧三年進士累官太常博士檢詳樞
密院戶房文字

送程給事知越州

紫泥封詔下天關青鎖俄虛侍從班
朝袖暫懷新印綬繡衣榮過舊家山
鑑湖風月供吟筆稽嶺煙霞入

醉顏宸眷未應容滿歲使車行被命書還

會稽掾英續集

陳植

字表民羅源人熙寧三年進士歷萊州司理參軍

沖虛宮

鼎邊雞犬知何在雲外龍鸞去已賒惟有黃金餘瓦礫貧民時復得些些

三山志

晉浦坊

疑是分開混沌初奔奇走秀兩相於等閒開圃多栽竹行到人家盡讀書宴飲直嘗千戶酒盤殮惟候兩

潮魚九華峯頂眞仙宅醫浦坊中出轎車

羅源縣志

林伯材

莆田人熙寧三年進士連江尉泉州司戶參軍

枕流軒

誰在紅蓮影裏行泠泠飛玉抱軒清幾番人世興亡
夢千古雲涯黯淡聲春暖蘚花隨雨到夜深寒月落
湍明倦懷一枕清涼口斗藪塵埃羽翼生

三山志

俞純父

烏程人熙寧三年進士

流花亭

山溪窮洞府江岸繞樓闌曉豔嘗迷客飛香尙襲人
凭高能賦遠祖別重傷春莫惜離歌醉曾聞上玉津
天台續集

葉祖洽

屬有

邵武

江南煙雨蔽征輪行近樵陽景漸真鳥語乍聞如夢
寐林光初見長精神

輿地紀勝

胡璞

字器之南平人熙寧三年進士元祐中知分寧
縣縣志有傳

采石渡弔李白

抗議金蠻反見仇一杯蟬退此江頭當時醉弄波間
月今作寒江萬里流

南平縣志

朱敏功

初名功後改今名字彥仁閩縣人熙寧三年進士累知興化軍終中大夫

一華亭

自閩達摩西來後五葉敷榮祇一華從此祖風傳不泯靈枝到處有奇華

三山志

楊永節

熙寧三年知泉州

永州

柳侯好俳奇頗類元道州遂令舂陵行至合猶風流
輿地紀勝

王誨

字規夫鎮定人祖化基父舉正宋史有傳熙寧
三年羣牧判官四年度支判官司勳郎中六年
以朝散大夫知蘇州見姑蘇志

送程給事知越州

清班經歲侍凝旒寵寄稽山第一州
環閣風規丹展

側蓬萊烟靄碧江頭詩豪誰敢雷門過鄉老爭陪畫
錦遊行路光華浮画鷁浩然佳思鑑湖秋

會稽掇英
續集

周直孺

熙寧三年著作佐郎詳定編修三司令式刪定

官四年奏請酒價每斤一百六十八文增作二

百文從之賞章服

長編一百二十四

太子中允權發遣

夔州路轉運判官

長編一百二十八

元豐中太常博士

權同判司農寺

送程給事知越州

三吳冠蓋並驅馳名德如公亦已稀胥口沈珠唐相

事會稽懷綬漢臣歸光華畫繡家山近浩蕩秋風畫
鷁飛十萬疲民待仁政未應祇爲膾鱸肥公牧五羊以善政聞
連任累年會稽掇英續集

王粲

字公操蜀人熙寧三年由都官員外郎左除知
東陽縣政尙文禮民知向學見張昇水樂亭記
東坡水樂亭詩

九日登崑山

昔日龍山有勝遊曾攜壺酒崑峯頭歡逢又見黃花
好醉插都忘白髮羞戴令可嫌無惠愛陶公應笑未

歸休登高此地成狂賦才謝當年沈隱侯

東陽縣志

沈立 厲有

和孔司封題蓬萊閣

拂雲高閣擬蓬萊面向稽山鑑水開
文舉清尊無限樂微之佳句不勝才
屢嘗雪夜凭朱檻幾對花天醉綠杯
明主未容休退去會須重乞一麾來

判官廳新建壽樂堂

會稽四面是湖山亭在湖山勝絕閒
欄檻旋移芳草種襟懷長伴白雲閒
乍登頓覺詩毫健縱賞惟憂酒量慳
更是人生最榮處綵雲朝暮奉慈顏

以上會稽
掇英集

晏知止

撫州臨川人殊子熙寧四年湖北提刑兼提舉
本路常平元豐中尙書度支郎中判登聞檢院
累官司封郎中知蘇州

送程給事知越州

徧歷侯藩事績高瀛洲瑣闥奉恩褒麟符又入千巖
境鶴艦還乘八月濤田賴鑑湖常歲美客遊梅市有
人豪從來夢錦耽佳句應接江山豈憚勞

曾檣報
英續集

徐大方

字冲道福建甌寧人熙寧四年汀州通判元豐

中開封府推官尙書司門員外郎

送程給事知越州

昨夜除書下太清一麾千里擁雙旌漢符出守朱幡
重越邸懷章畫錦榮青瑣窗深傳夕拜紅蓮幕下得
時英稽山尋勝窮幽眇禹穴探書極粹精賀老清虛
陶內景微之惠愛浹輿情舍人早促還朝計旦暮追

鋒柄宰衡

會稽掇
英續集

宋詩紀事補遺卷二十男侍讀銜內閣中書樹蔭校

宋詩紀事補遺卷之二十一

歸安陸心源伯剛父輯

錢暄

字載陽惟演子熙寧四年十一月以光祿少卿
知台州官至寶文閣學士性嗜學著後漢功臣
表宋史附見惟演傳

遊日山

清晨渡水涉秋山日上高原葉葉丹已傍松筠尋磴
道更瞻臺殿倚層巒梁間雲氣蒸衣潤牕外嵐光照
席寒顧我塵勞嗟少暇暫驅熊軾一盤桓

天台續集

余中

字行老宜興人熙寧五年偕兄貫試中與
選而貫黜請自黜以存兄有司雖不許士論嘉
之次年魁廷對紹聖四年專對虜使還奏河朔
城隍墮圯乞葺治以戒不虞宣靖間金人長驅
議者始思其言元豐中累官太常丞充國子監
直講紹聖四年秘閣校理知湖州元符二年致
仕見咸淳毘陵志談鑰吳興志

送程給事知越州

會稽太守垂金魚玉杯宴客離京都曾騎天馬出沙

漠萬里行水渡河朔歸來却厭承明廬欲學鳴夷蹈
寥廓三吳風物故鄉關人望旌旗何日還壺漿勞問
有耆老策杖登臨知舊山清江一水分吳越越山岩
巖更孤絕禹穴烟霞翠不收往往雲中見仙關秋風
剡溪生早涼鑑湖一夜飛清霜綵舟繫纜浣紗石綺
筵得應調笙簧此時詩興誰能禦照耀驪珠月宮吐
祗恐彤庭急詔催桃源不許長爲主都門疎雨柳輕
明送客蕭蕭千馬鳴須臾畫鷁東飛去歛見淮山天

外青

曾稽掇
英積集

鄭安道

牙言二
字義齋福建尤溪人熙寧六年進士與朱松友善官至金紫光祿大夫

朱喬年尉公舉男往賀賦贈二首

今宵湯餅會滿座桂香來圓月飛金鏡流霞泛玉杯
渥洼元異種丹穴豈凡胎載路聲聞徹祥光燭上台

其二

瑞氣靄南山弧懸別墅間此時誇降嶽他日見探銀
席敞籬花豔樽浮竹葉斑老夫歌既醉拄杖月中還
尤溪志

葉棣

浦城人熙寧六年進士崇寧四年以朝散大夫
知福州

飛來山

亂山深處款禪扃十里松陰步障行翠竹黃花幾開
落南星北斗自高明樓臺日轉天邊影鐘磬風回地
底聲爲問閩江船釣客謝家誰更未知名

鳳池山

聞說治平元太守慇懃晚到鳳皇池

三山志

范鎧

字宏甫浦城人熙寧六年進士累官太原府法

曹叅軍館閣校勘集賢校理知信州洪州衢州
廣東轉運使國子司業工部尙書樞密直學士
知太原府

送程給事知越州

青門聊起濯纓歌畫繡經從鬢已皤越俗易諳緣地
近吳人奚獨美金多要知新集餘民事亦有東來使
者過今日輕帆到江滸藩宣宜得似西河

會稽掾
英續集

游瀘陽峽

峽流觸石石欲裂峽舟泝水心寸拆繫纜心頭夜向
闌驚浪沄沄寫寒月風餐水宿知幾年餘生可復瘴

江邊愁絕不眠起披戶顧視海宇天茫然

書碧落洞

君不見英江碧落之洞之奇異覽遍堪輿無一二亂
石叢中孕粹精萬里荒崖啟靈秘飛來峯喜石玲瓏
後人雕琢徂眞風通天巖穴亦幽敞有山無水非吾
從錦石半空杳元逕泉石猶憐未相應星巖山澤本
自佳却被漁人苦深海何如此洞妙神工架空絕壑
如長虹一水中流抱青碧羣峯掩映迷遷迹巨靈擘
開神禹鑿怪石崆峒翳寥廓雲華縹緲聞簫笙寶室
光騰下鸞鶴初疑河漢通天閭欲泛星槎一問津又

如悞入桃源澗源□恐有先秦民我生僻性耽奇特
每遇勝遊興增逸□來得此慰初心積慮沈痾恍如
失吳羅二子亦豪英溪頭飲我雙玉瓶醉來睎髮雪
霽外一笑林壑生秋聲洞天福地遍天下蓬島三山
終幻化會當八極恣神游小作行窩駐吾駕韶州府志

夏璚

福清人熙寧六年進士元祐間知龍溪縣事

眞覺院

半天聞梵唱一徑踏松陰起石雲千仞懸空瀑萬仞

泉州府志
寺觀

蔣之美 厲有

遊惠山二首

絕頂疑天設重門一徑深泉清千古意松老百年心
高閣窺平陸危亭倚翠岑勝遊方自適猶恐日西沈
九隴分形怪蒼龍據厚坤洞寒清水脉石澗養雲根
探遠塵應斷窮高斗可捫江湖倦行者對此欲忘言
常州府志

李通儒

安陸人熙寧六年進士官朝議大夫開封府推

官

見山谷別集九卷

桃花巖

地勢下臨鄖子國山光遙射楚王城惟有桃花巖上月曾聞李白醉吟聲

輿地紀勝

林誥

長樂人熙寧六年進士官文學

常陽寺

何處遇幽景當陽夕頂尋雲霞千古態松竹四時陰
岫列天邊嶂泉鳴澗底琴高人不遊此應負愛山心

福州府志

林嗣宗

莆田人熙寧六年明經文學諸科登第官閩清尉

老人巖

九月黃花次第開帶星約客上崔嵬擬從老子巖前去却入眞仙洞裏來幸免西風吹落帽且陪東道引深盃箇中便見蓬萊境何必龍山戲馬臺

宋詩拾遺

林安道

字文父閩縣人熙寧六年進士終文林郎

白黿井

古楚口齡在寒泉口口純

朱記二十一
皂筴木

海外蟠桃同永久月中丹桂共參差

三山志

劉涇 厲有

釣臺

水綠山青人可知不知生氣得之誰釣竿已屬嚴公

手直到玄英解道詩

嚴陵集

混元峯

青泥切石劍無迹丹水含英鼎非出仙風絕塵鷄犬

喧杉松老大如人立

括蒼金石志

遊三巖

混成初造物幽絕故離羣人戶清容月分棲淡借雲
木陰闌暑氣泉滴厭秋聞欲索秦人記消磨篆不文
上同

瀑布泉

瀑布宜終宵幽鳥時一吟浩然太虛際始識本來心
情閑日自長步遠意亦深更携九節杖插遍蕭蕭林
麻姑
山志

方通

字叔時莆田人熙寧六年以明經第進士累知
滑州韋城縣簽判荆門軍郡守臨事多任意通

輒據法爭之因治亭名獨立以自見除宗子學
博士出知睦州官至朝散大夫

贈黃君俞

紫書夕降御牀邊門下褒衣繞數千捧檄喜隨親色
動授經榮勝主恩偏相如好賦眞童子賈誼多才患
少年道在不須憂絳灌一時卿相盡知賢

蒲陽
比事

王漢之

字彥昭常山人熙寧六年進士知眞州擢禮部
侍郎連徙五州入爲工部侍郎龍圖閣學士宋
史有傳北山小集有行狀

劉阮洞

洞府門閒白日賒，碧潭清影照雲霞。
弄珠人捧江臯珮，刻玉巖開閭苑花。
風月有情同俗駕，塵埃無處問仙家。
歸來悵望金橋外，露滴桃源一逕斜。

天台續集

張汝賢

字祖禹，泰和人。熙寧六年進士，官承議郎、直龍圖閣、尚書左司郎中。

武山

兩過僧房景更奇，邀朋閒訪此遊嬉。
一登占得嵯峨處，始覺羣峯迤邐低。

江西詩微

常安民

厲有

懷嵩樓

當年謾作嵩山想末路難回瘴海身斜日西風總如
昨風流只欠倚欄人

輿地紀勝

毛沂

熙寧六年進士江山人官揚州司理

仙居寺

肉山六月火雲蒸渴想滹沱一片冰回首家山林下

寺水簾深處定中僧

江山縣志

孫諤

厲有

江濱驛

渡江始至長江縣返照雨餘村落明此地曾經詩客
到九秋風月至今清

與地紀勝

吳棫

厲有

梅山院

野僧迎客笑開關更拂殘碑蘚字斑徐姓仙歸空碧
洞越封王去漫青山影來秋月林千缺聲落春風水
一灣焙茗滿甌須強啜過橋車馬使人間

三山志

蘇老亭

蘇老行諸郡多爲洒落遊靜心山共止動意水俱流

赴社呼陶令
繙經約謝侯
高風誰復記
明月上西樓

福建
通志

遊南山

但看都梁山拱北
莫尋浮磬水朝東
此間半築瞿曇
室底處曾營煬帝宮
七眼泉邊百無念
一襟披盡晚來風

輿地紀勝

薦福院

山列三峯來不斷
水交雙港送無窮
帆邊洲渚瀟瀟
雨牆外園林浙浙風

瀟洒堂

瀟洒堂中披晚襟紅蕉花裏葉成陰
飄來無雨水長急飛去有雲山
更深苔蘚細痕緣巨石藤蘿密影挂
疎林上人莫作人問想此地人間不可尋

以上泉川府志寺觀

靈巖

三齊何處古叢林石作門闌岱嶽陰
雲暗鷄鳴川谷淺月明龜吐水泉深
未須讀歎袞袞且可歸依世
界金彈指上方還一夢夢中聊續去年吟

濟南驚蟄隱新雷底事陽關叠叠催
不稱淥源湯膺沸只堪崧阜上崔巍
他年髮已千莖雪今日心仍一寸灰
文雅臺邊蝸有舍瓊頭歸去潑春醅

飛錫道人知幾年青蛇白兔亦茫然焚香且上五花
殿煮茗更臨雙鶴泉今日別裁庭下柏當時曾種社
中蓮證明佛事眞何事聊策藤枝結勝緣

靈巖集

吳干

字無求閩縣人熙寧六年進士官承議郎

且止堂

無心終日看雲飛空幻猶如鳥跡遺欲問堂中常住
相黃花翠竹已多知

福州府志

項傳

鄞人熙寧六年進士元豐中撰慈溪縣証心院

記

書鄧先生石几

昔聞河上公今見濠上翁姓名氏時易道德經解同

見雞肋集

雞肋集鄧先生墓表請御夫字從義濟川
鉅野人結茆北郭水濱有石几丹墨作老
子注寒暑易節乃一再出吳人項傳見之
心服書其石几云云辭雖俚然實事也又
作農厯一百二十卷

丁執禮

熙寧六年大理寺丞太子中允權監察御史見
長編四十六七年充館閣校勘元豐中太常丞

權發遣河北西路提點刑獄

送程給事知越州

曉辭龍尾下青冥，持節東南一鎮并。
共治蚤分天子寄，暮來今頌里民聲。
吟高郢雪誰能擬，韻敵冰壺凜更清。
遙想棠陰多暇日，江風吹角繞蓬瀛。

會稽掇英續集

李元凱

熙寧六年勾當御藥院監河洛走馬承受入內
東頭供奉官禮賓副使

國清寺

習者高蹤接沃洲，石渠仙職我同遊。
已無月桂籠禪

室猶有祥雲鎖寺樓疊砌峻嶒封碧蘚五峯蒼翠覆
寒流却緣王命相拘束不得躋攀最上頭

天台續集

周申

江西新城人熙寧六年進士又福建建安人寶
慶二年進士詩格甚卑當是宋季人姑存于此
俟考

壽友人

蕤賓紀月冀初開斗杓直指午位回家家粧點垂門
艾兒童報道端午來仙風僂僂溫瓊室幔亭秀氣重
胚胎夜來忽叶熊夢吉凌晨果見生眞才光風霽月

和可掬天上鸞驚眞奇哉五枝丹桂推獨秀滿堂卻
更金玉堆親帥問友尤篤意慶動慈闈戲老萊青氈
舊物須還復香羅細葛好事催年年記取蒲切玉瑤
池醉泛蟠桃杯截江網

曾啟屬有

統軍池

長山謾刻金芝頌宮相空吟石竹詩事往歲深無處
問北園唯見孟家池輿地紀勝

鄧口誥

字君寶熙寧六年桂陽簿

留題大雲寺石洞

大雲陰洞石嶄然跳攫□□萬狀全□海醜神殭且
死吳江恚浪凍來堅元功□物窺天蘊巨手題詩玩
化權勿訝荒唐非格調勾□傲吏醉成篇廣東通志
金石畧
案大雲洞在廣東連州

張曾宗

南京人熙寧七年守秘書丞分司南京

留題贈靈巖鑒公禪師

丁巳三月二十七日
按其年爲熙寧十年

人中令德居高地天下精藍占好山四絕名標清世
上十方僧聚白雲間二龍珠照看經靜寺僧謂予曰
此寺嘗有識

者曰二龍
玩珠勢也
雙鶴泉供洗鉢
閒早晚利榮
疆鎖脫性通
三教叩禪關
求古錄

王琬

四川華陽人珪從弟熙寧七年屯田郎中元豐
中尙書都官郎中判登聞鼓院

送程給事知越州

公住吳門枕太湖風波不到十年餘過家乞得蓬萊
郡去國初拋麗正廬闕下舊容乘駟馬江頭急趁鱸
鱸魚都門送客今何盛百首詩輕百兩車

會稽掇
英續集

歐陽經

連州人熙寧九年進士朝散大夫知封州晁說
之雞肋人有次韵歐陽宣德經野步詩

貞女峽

退之雄文露天巧夢得清詩揮秀格迄今聲名三百
年文字山水相輝赫

輿地紀勝

熙春亭

林青乍聽鶯聲喚花嫩初籠日影遲

又

切雲亭

峯頭華剏占瓌奇下視湖山迤邐卑

又

涵碧軒

小桃斜映綠楊絲，激水泠泠漾日暉。又

廖蒙

連州人熙寧九年進士知封州

寶梵寺

疊嶂秋光淺，寒松古韻清。輿地紀勝

樓光

鄞人熙寧九年進士，元豐中歷無爲州判官，以承議郎宰畿縣罷歸卒。

石橋

溪流長卷千重玉，茗椀齊開五百花。方廣只留方寸

地不須辛苦上仙槎

天台續集

李深

字叔平光澤人熙寧九年進士爲敕令所詳檢
役法文字與蔡京廷爭奪一官已而敘復遷朝
散郎以言事罷崇寧中安置復州入元祐黨籍
有杭州集二十卷

題范文正公祠堂

一章奏免鳥脚茶惠及饒民幾萬家遺老至今懷德
政爲余談此屢咨嗟

危言遷謫向江湖放意雲山道豈孤忠信平生心自

許吉凶何卹賦靈烏輿地紀勝

送程給事知越州

從橫才業聳青冥出處三朝重老成南就金城幾萬里東歸戎節擁千兵書從禹穴探應古詩想雞林購得名莫醉故園風月久壺漿父老已來迎

白首雍容侍從中高懷常寄五湖東游文仙殿才終別作牧稽山地更雄去國旌旗迎曉日過家鱸橘正秋風異時治行如登用故事西京有弱翁

會稽掇英續集

陳廓

字彥明毘陵人熙寧九年進士歷句容簿長社

令崇寧元年廣東轉運判官時同列多以羨財
獻廓曰羨當還民可剝之以爲己利乎奏罷徐
揚所興錢監移廣東提刑復除廣西未行改利
州路卒有詩文三十卷

句

滄江練遶清暉閣古榭苔封燕喜碑

輿地紀勝

陳覺民 厲有

五仙觀

古木修篁絕世間越王臺殿作仙壇白羊常在玉虛
遠玄鶴不來金井寒

輿地紀勝

張漸

字子正始興人熙寧九年進士崇寧間知廣東英州軍州事終朝請大夫著有沙田集今不存

一作廣東
寶昌人

崇寧乙酉元祀率同僚修禊于七星巖

妙意其誰運大鈞玲瓏奧室闢天真斗臨北地精初
結龍去丹霄穴未湮洪造故教虛待物良辰贏得樂
同民我來禊有自然興豈羨蘭亭曲水濱

廣東通志
金石畧

王說

字應求鄞縣人熙寧九年特奏名補將仕郎元

豐中尙書都官郎中新權知晉州

送程給事知越州

曉色光華去玉京
畫船新指會稽行
地嚴瑣闥通班
賁道出吳門
過里榮亭惹春雲
蘭渚靜波涵秋月
鑑湖清吏師詩匠高
當世臥鎮何妨詠太平

會稽掇英續集

姚孳

屬有

石橋

萬派鏗鋤走電車
跨巖蚴蟉玉虹斜
靈禽飛下傳消息
五百甌心結茗花

天台續集

國清寺

梵宮四面五峯巒堦率臺高倚翠巒會有寒山重到
此倩誰試與問豐干

天台續集

金雞關

甘露靈根不老爾朱丹竈空存三十六蒙好處倚欄
役破詩魂

又

徐邁

太平州繁昌人熙寧九年進士與弟迪昆季相
師友專勤學問爲文清麗尤工詩而友于篤愛
人以軾轍目之

寄弟迪

杜雲姜被每相思物換星移又一期知汝遠尋鸚鵡
夢起予深念鵲鴿詩山寒久厭啼猿苦水涵那堪到
雁遲好約春風共攜手玉壺沽酒繫青絲

太平府志

徐輔

江西玉山人熙寧九年進士

劍池

劍去池空水自寒游人到此凭欄杆年來自是銷磨
盡只有青山好靜看

吳都文粹

銅鉢山

山勢接諸天鐘聲謁老禪逃空因有相出世豈無緣

萬事浮雲外三生古道邊閒依點首石靜歆醒心泉
林蔓青絲棘池搖白羽蓮登臺觀日出汲井駭龍眠
銅鉢今猶在紅爐久尙然卻憐迷路客塵海未歸船

建寧府志

徐鐸

字振文興化軍莆田人熙寧九年進士第一簽
書鎮東軍判官紹聖末以給事中直學士院徽
宗立以龍圖待制知青州御史中丞豐稷論鐸
與蹇序辰編類元祐諸臣章牘事狀率視章惇
好惡爲輕重存歿名臣橫羅竄斥序辰旣放歸

田里鐸之罪不在其下詔落職知湖州崇寧間
拜禮部尚書進吏部尚書

朱樸隱居華亭自號天和子

先生晦迹谷水東志趣不與晉賢同遙聽鶴唳笑二
陸巢傾穴碑非爲工浩然養素遠聲利脫去羈束離
樊籠醉隱亭中三十載桃紅李白搖春風感時嘯詠
聊自適誰知富貴爲窮通羨君高操超流俗直疑變
姓稱朱公

雲間志

朱彥

彥字世英南豐人京弟以文章齊名熙寧九年

進士紹聖中除江西轉運判官遷給事中歷知
撫洪昇杭四州徽宗朝爲刑部侍郎以疾丐歸
大觀元年以顯謨閣待制知臨安二年移潁昌
府

江樓

麻源山壓盱江水江樓迴對江山起波平月滿千里
空金斗欄干露如洗此時想見一尊開杳杳征帆破
浪來揮毫寫盡江山景何有飄零庾信哀自憐久作
紅塵客夢斷江南烟水白會歌黃鵠賦前溪不作區
區吟越鳥

安仁寺

一洞寒雲鎖翠虬，水聲長遶影邊流。
令人坐憶南泉路，滿目春山幾萬秋。

以上江西詩徵

題方氏清芬閣

干戈唐季風塵中，一代文章掃地空。
先生詩鳴最晚出，句法未減元和工。
玉壺□□不受垢，卜隱宛蹈嚴陵蹤。
至今名字照人目，直與山水爲無窮。
我舟南紀坐煩促，接歲風波仍轉蓬。
緬懷先生酌溪水，梅花如霰落晚風。
清芬築室家有法，亦見裔孫白雲翁。
叔今策得待三接，仲也昔跨御史驄。
乃翁歸來三十載，話

笑但覺朱顏紅翁不見東飛百勞西飛燕南飛烏鵲
北飛鴻人生遊宦正如此我欲買田歸江東

題子陵釣臺

泊舟釣臺側敬謁嚴子陵碧山如佩環水作鏘然聲
定知千載後尙復有遺靈長嘯明月下緬懷今古情
世利濁於酒末俗遭塵冥毫髮不一直戈矛豈相爭
先生得高蹈萬鈞獨可輕持釣偶自適潛魚不吞醒
清風在人耳懍懍見典型不如臺下水方可濯塵纓

寒光閣

駕舟掠杭越小泊清溪門平生江令尹邀我谿南園

丹碧氣成霞樓疏何鬱盤江城春事起臘候已向殘
的皪小梅花暗香媚山樊冰髯絕可愛青士聯蒼官
君家藝蘭畹歲久蘭有蓀我生眞漫浪嗜好無一存
尙作山水想十里勞夢魂厯眼滄州趣茲盟那可寒
他年釣竿手來傍沈郎灘

以上嚴陵集

遊黃山

三十六峯高插天瑤臺瓊宇貯神仙嵩陽若與黃山
並猶欠靈砂一道泉

黃山志

陳次升

字當時仙遊人熙寧六年進士知安邱縣薦爲

監察御史哲宗立使訪察江湖徽宗立召爲侍
御史累官寶文閣待制知潁昌降集賢修撰旋
除名編管循州入元祐黨籍

北斗岐山

土精成石石成屋屈曲安排天北形自是山遊玩物
者依稀信步踏蒼冥

仙遊縣志

李嵩

熙寧中知德化縣

宿永安巖

暮入禪關徑渺茫潺湲碧澗荇流香幽巖已在青雲

半覺路猶懸北斗旁萬壑秋濤喧宿客一燈寒衲禮
空王西來祖意從前曾航海三周慧命長

德化縣志

宋詩紀事補遺卷二十一